



五十年...

五十年...

崔舍人玉堂類藁卷第十二

青詞表疏

萬壽觀 太上皇帝丁亥本命青詞

慈庭養志慶方集於昌辰仙簡標符祥實開於元命敢  
因良日祇卽殊宮啟雲笈之靈篇肅霞旌之真御虔祈  
昭鑒丕錫純禧獨觀眾妙之門永享萬年之福

滿散朱表

延真祕宇介壽慈親熙事涓成丹誠敷達更道迎於景  
貺益孚佑於昌圖

玉堂類藁卷十二

一 粵雅堂叢書

臨安府仲春就吳山忠壯英烈威顯王廟設醮

青詞

天開行闕地據洪流眷民俗之奠居慮波濤之密邇考  
唐人之賦雖陽散而當微問吳土之宜乃春中而特大  
爰循彝典祇卽靈祠緡霞觀之冲科欸雲輶之真御敢  
祈聰監丕錫順祥汜銷暴溢之虞永享安甯之福

建康府茅山崇禧觀開啟天申節道場青詞

紹隆熙運祇奉慈庭游於物初正協道心之適養以天  
下方修子職之恭屬當彌月之辰爰卽羣仙之會旅延



感御參繹雲章仰祈有赫之觀俯錫無疆之祐獨高帝  
壽永覆邦圖

滿散朱表

頤神養性方觀眾妙之門儲祉發祥式紀千齡之運祇  
因盛節具飭冲儀詠金簡之靈篇啓玉京之清會丹衷  
敷達熙事休成益傾頌禱之誠永介壽昌之福

萬壽觀開啟天申節道場青詞

日永仲夏適開載夙之祥天生真人誕啟中興之運屬  
當盛旦祇卽殊宮旅芳獻於嘉壇佇神光於煇座敷陳  
冲式諷詠靈章恭俟鑒觀永垂孚佑案六經而口德卽  
超邁於前聞參萬歲而成純更丕延於景福

滿散朱表

星樞感瑞方肇紀於昌辰霞觀延真已具殫於誠蘊肅  
迎丕貺駢集慈庭更回有衍之祥永輔無疆之祿

萬壽觀 太上皇帝丁亥本命道場青詞

頤神養性方高蹈於殊庭介福迎祥宜率循於祕錄茲  
履清秋之序適臨元命之辰祇祇仙宮具嚴勝會佇神  
光於煇座演冲教於瓊函仰冀博臨俯垂敷佑茂享無

疆之壽永扶不拔之基

滿散朱表

凝款丹晨薦恭羣位福祥繁會方下集於慈庭仗御裴  
回當遊歸於霄極默懷監誥益罄齋明

臨安府仲秋醮祭吳山忠壯英烈威顯王青詞

長江設險靈汐隨時山立海門折湍流而奔會月臨  
籥挾陰慝以暴興祇卽名祠敬遵沖式延九清之法御  
啟三洞之真筌伏願約束波臣鎮安地紀舳艫千里永  
消習坎之虞煙火萬家咸獲尊居之福

玉堂類彙卷十二

三  
粵雅堂叢書

天慶觀報恩光孝觀青詞

早魃爲虐遂連夏秋黎民阻饑當在且夕方竭吁嗟之  
請庶消并隔之災爰露丹誠重干沖鹽口默口於口應  
卽垂賜於嘉休三日成霖儻早沾於口潤百穀就實尙  
可冀於豐登

太乙宮 壽聖齊明廣慈太上皇后生辰青詞

玉管吹商正九秋之清序瑤臺夢月慶千載之嘉辰祇  
命羽流具嚴仙宇下霄晨之法御啟藻笈之真筌仰冀  
鑒臨俯垂孚佑壽同慈極旣齊箕翼之長福燕後昆更

閱雲來之盛

滿散朱表

躬修子職祇奉親顏適標玉勝之期具戴金科之式福流慶衍當均被於羣生事畢功宏益虔歸於大道

萬壽觀純福殿開啟安奉 太上皇帝

今上皇帝本命相屬星官位牌青詞

祇飭殊宮欽崇大道量功慮事嘗圖輪奐之新揭虔妥靈爰肅威神之下敢涓良日卽啟嘉壇演祕錄於琅函瞻睟容於煇座仰祈昭鑒俯錫善祥介眉壽於親庭治

玉堂類藁卷十二

四 國雅堂叢書

太和於海宇益肩精意永迪淵崇

滿散朱表

道妙無方高設清真之御命生有本環分主衛之神茲竝妥於冲旂已畢成於熙事永懷福貺口口齋明

萬壽觀申乞撰會慶聖節道場青詞

欽承慈蔭紹履丕圖長發其祥仰識儲休之自誕彌厥月敢專徼福之私祇卽仙宮肅遵科式像九霄之淨供詠三洞之靈篇延佇冲旂道迎景福上介雙親之眉壽下祈萬國之丕平永竭丹衷默依大道

滿散朱表

冲儀修舉靈鑿孚通雲景杳冥行返三清之馭福基堅  
固當膺百順之休益罄純誠庶承景福

太乙宮申乞撰開啟會慶聖節道場青詞

月旅冬權時臨誕節上祇天命思茂介於純禧下愧民  
情念曷當於善祝肅涓靖館鋪按冲儀陳芝茹之芳華  
啟雲篇之隱奧仰紆清御俯鑒丹衷錫親壽之洪長俾  
民生之康泰庶依景貺益固熙圖

滿散朱表

玉堂類藁卷十二

五  
粵雅堂叢書

震夙標辰思道迎於景福潔蠲脩薦用凝欵於高真既  
成三洞之儀遂返九清之御傾瞻空極敷聲明誠

建康府茅山崇禧觀啟建會慶聖節道場青詞

純乾旅月天開震夙之符華渚標辰人頌壽昌之福靜  
循菲德茂對宏休按蘂笈之真筌卽洞天之勝地敷陳  
淨供鋪究冲儀肅仙馭於璿霄望睟容於寶座虔祈不  
祐永苾熙圖

滿散朱表

冬籥道寒適協旣盈之月皇家紀慶環臨載誕之辰望

形勢之名都想神仙之奧宅祇循祕式虔祓嘉壇誦三  
洞之靈篇範九霄之芳獻涓成勝事降集丕休益堅競  
永之心永迓厯鴻之福

天慶觀報恩光孝觀青詞

大道無私高出範圍之表至誠有感默通精禋之間比  
以驕陽浸成重眚嘗傾輪於丹悃庶順道於嘉祥帝闕  
九關飛章既達王畿千里沛澤遂周實祇荷於靈休敢  
肅修於報禮更期鑒佑永底平康

萬壽觀 太上皇帝丁亥本命道場青詞

玉堂類藁卷十二

六 粵雅堂叢書

虞待慈顏備極四方之養欽崇元命昭延萬壽之期按  
藥笈之靈章陳玉京之芳供普紆清御徧扣高真冀竝  
介於親祺俾永修於子道

滿散朱表

親壽無疆高蹈殊庭之逸福基有始具遵祕錄之儀既  
訖事於嘉壇益傾誠於元造

萬壽觀 太上皇帝丁亥本命青詞

尊崇慈父世形孝治之風考按靈篇日次命元之紀式  
因穀旦祇卽殊宮肅絳節之真旂宣瓊函之妙典虔祈

道芘垂佑親庭擁百祥順備之休享萬國安榮之養

滿散朱表

誠修子道已殫頌禱之辭教闡仙宮諒達高明之鑒既成熙事益厲丹衷

萬壽觀 太上皇帝丁亥本命道場青詞

天錫祺祥方樂大庭之養日環次舍適臨元命之辰祇卽殊宮肅遵祕典陳霄晨之淨供詠雲笈之靈章鋪薦誠忱欸凝仙御丕集九清之貺永延萬壽之期

滿散朱表

玉堂類藁卷十二

七 粵雅堂叢書

虔修子道虞奉親顏歸誠眾妙之門邀福列仙之館仰祈丕佑俯墜丹衷

萬壽觀申撰開啟天申聖節道場青詞

慈極居尊方享安榮之養炎衡紀序適開震夙之辰祇卽殊宮虔遵祕典陳玉京之芳供詠琅簡之空歌罄露誠衷敷聞聰鑒丕集九疇之福永增萬壽之期

滿散朱表

迎祥祕宇方勝事之熙成介壽慈親已純誠之上達更祈丕佑永輔昌圖

太乙宮 太上皇帝丁亥本命青詞

親壽綿長擁純休而方盛福基肇啟推定命以有先爰  
集羽流肅遵科式演靈章於瓊後陳芳供於瑤壇仰冀  
鑒臨俯垂孚佑益介無疆之筭永扶不拔之基

滿散朱表

輪誠以禱迎嘉應於親庭畢事而旋企睟容於天路更  
祈道蔭益苾民生

太乙宮開啟天申聖節道場青詞

欽承丕緒祇奉慈親彌月肇祥適契盛明之會殊宮介

玉堂類藁卷十二

八 粵雅堂叢書

福具遵虛靜之儀瓊章敷三洞之儀玉節駐九霄之仗  
懇祈靈顧降集善祥益增萬壽之期永享四方之養

滿散朱表

高聽下臨純誠上達福祥川至已駢會於慈庭仗御雲  
行當遄歸於霄極更祈靈顧益鑒丹衷

皇帝進奉 太上皇后生辰表詞

金行屆節澄灝氣於圓霄玉勝標辰啟嘉祥於慈闈敢  
殫善頌用達歡悰伏願玩意希微怡神淵靜尊榮儷極  
永觀漢殿之朝慈儉流風普洽周家之化臣躬修至養

欣際昌期爰持一瓣之香庸致萬年之祝

皇帝進奉 太上皇后生辰功德

母道尊崇式紀發祥之旦仙宮虛靜具修介祉之儀伏  
願福海淵深壽山堅固上齊乾父超高厚以無疆下閱  
雲孫曼來仍未老

太乙宮 太上皇后生辰青詞

孝奉慈闈方極尊榮之養涼生清管適符誕育之期祇  
啟仙宮肅遵道式發靈章於瓊笈下風御於璿霄仰冀  
鑒臨俯垂孚佑壽齊聖父八千歲以爲秋福陰皇圖七

玉堂類彙卷十二

九

粵雅堂叢書

百年而過麻

滿散朱表

祥開沙麓鍾母範於良辰教闡殊宮款颺旂於清夜虔  
祈冲鑒丕錫順祺適臨竣事之期更露由衷之悃

萬壽觀會慶節道場青詞

霜律肇寒適紀發祥之序星冠按式具修介福之儀陳  
美薦於嘉壇款真旂於煥座仰回淵鑒俯照丹衷上延  
親壽之綿長下芘民生之康阜更祈涼德永保熙圖

滿散朱表

殊宮宏連已迎百順之祥雲路續紛行返九霄之御並  
殫誠禱更俟鑒觀

玉堂類藁卷十二

十  
粵雅堂叢書

崔舍人玉堂類藁第卷十二

譚瑩玉生覆校

崔舍人玉堂類藁卷第十三

口宣

會懷除右丞相賜告口宣

卿才智俱優暫違宰位讒誣既釋盍返台階綸告往頒  
趣宜祇受

楊佺除靖海軍節度使賜告口宣

卿飛華禁路濟美勲門爰陞將鉞之崇式獎事功之盛  
往頒綸告宜卽欽承

楊佺上表再辭免除靖海軍節度使簽書樞密

玉堂類藁卷十三

一 粵雅堂叢書

院事不允仍斷來章批答口宣

卿久踐禁途夙優賢績茲晉登於樞管仍宏建於齋旒  
溫詔趣承毋庸重請

曾覲上表再辭免除開府儀同三司不允仍斷  
來章批答口宣

卿蚤事初潛荐更要任誕頒恩命晉視台司宜卽欽承  
毋庸重請

曹勛除開府儀同三司賜告口宣

卿歷更四朝躬秉一德茲錫昕廷之命俾參公府之儀

實出朕衷往其祇服

撫問新除參知政事鄭聞到闕并賜銀合茶藥  
口宣

卿進還舊位行底脩門方欽竚於嘉猶諒深多於勞役  
特推寵錫仍諭眷懷

金國賀會慶聖節使人到闕回程賜龍鳳茶并  
金鍍銀合口宣

卿等拭玉成儀祖車問道屬寒風之淒厲正行役之悠  
長爰錫珍芳用資和嗇

玉堂類藁卷十三

二  
粵雅堂叢書

賜殿前司滿散會慶聖節道場乳香口宣

卿等密護宸巖欣逢誕節悉率三軍之士虔祈萬壽之  
符特錫名香用昭善意

賜樞密院官滿散會慶聖節道場乳香口宣

卿參陪宥密展効忠勤逢甲觀之初辰脩寶坊之勝會  
爰頒薰馥式助精虔

樞密院官赴貢院齋筵賜酒果口宣

霜霽司辰電樞紀節肆啟鈞臺之會竝延武服之賢維  
實及醪寵頒其受

賜步軍司滿散會慶聖節道場乳香口宣

卿等典司禁旅拱護宸嚴適逢震夙之辰竝祝雁鴻之福推予嘉錫迪爾精衷

賜皇太子府滿散會慶聖節道場乳香口宣

卿端居儲位欣際誕辰具殫誠意之勤申祝壽祺之永錫茲異馥侑爾至虔

撫問皇子魏王愷到闕并賜金合茶藥口宣

卿祇會誕辰暫違藩服適風霜之初厲諒道路之多勤加致匪頒就將勞問

玉堂類藁卷十三

三  
粵雅堂叢書

宣  
金國賀會慶聖節使人回程平江府賜御筵口

卿等言旋使傳已屆吳門肆啟初筵用昭眷遇少休濡轡庶遂從容

赤岸賜御筵口宣

卿等言辭魏闕甫出都門當行色之云初悵使華之遂遠少留近館特啟芳筵

鎮江府賜御筵口宣

卿等驩成聘禮迴次江城載馳載驅諒多勞役旣多旣

旨少示眷懷

盱眙軍賜御筵口宣

卿等修成無爽畢事言還卽候館以載休遡淮流而將  
邁特頒燕衍少遂遲留

赤岸賜酒果口宣

卿等總轡登塗抗旆歸國自茲跋履良念賢勞厥有旨  
芳是將眷遇

玉津園射弓賜酒果口孫

卿等遊于芳園樂此終日旣協和容之度益觀命酌之

玉堂類藁卷十三

四

粵雅堂叢書

能爰有匪頒庶資宴喜

朝辭訖歸驛賜御筵口宣

卿奉將慶幣祇會誕辰維其令儀訖此成禮旋卽賓郵  
之適肆頒燕徂之豐

朝辭訖歸驛賜御筵口宣

卿等入辭宸陛歸隄賓郵念惟將事之勤行及騰裝之  
邁特推寵錫俾侑燕私

金國使人到闕玉津園賜御筵口宣

卿等朝儀旣畢使事方休聊從禁苑之遊肆講射侯之

樂特頒茲燕用洽嘉歡

玉津園射弓賜例物口宣

射侯既設樂節斯行各奏爾能罔愆于禮式示便蕃之  
寵用旌審固之容

賜宰執已下喜雪御筵口宣

嚴籥凝寒飛花應瑞已銷疫癘之氣仍兆豐登之期爰  
致匪頒庶均燕喜

皇太子魏王愷再辭免除改判明州不允批答  
口宣

玉堂類藁卷十三

五

國朝雅堂叢書

卿來朝宸陛改鎮价藩匪出私恩是崇國體已加伸諭  
宜卽祇承

撫問奉使金國報聘使副張子顏等到闕并賜  
銀合茶藥口宣

卿等言遘使傳已屆都門屬時序之方寒諒道塗之多  
勤特推賜式庸示眷懷

金國賀正且使人赴闕盱眙軍傳宣撫問并賜  
御筵口宣

卿等遠馳使傳祇會春朝已甫達於封疆爰特頒於燕

豆仍加勞問庸示眷懷

平江府賜御筵口宣

卿等銜命修盟馳車在道方少休於近輔宜就錫於初筵用慰勤勞庶昭眷遇

鎮江府賜銀合茶藥口宣

卿等奉將慶問行次近州眷言跋履之勞合有綏調之助靈芽良劑爲賜宜承

鎮江府賜御筵口宣

卿等肅持慶禮申講歡盟方匱薄於中途適憩甯於外

玉堂類藁卷十三

六

粵雅堂叢書

館就頒燕席聊拂征塵

赤岸賜御筵口宣

卿等竝馳華轡甫届近郊念行役之多勤屬賓郵之少適特頒茲燕庸示眷懷

赤岸賜酒果口宣

卿等張旆長道解轡近郵諒惟跋履之勞爰有旨嘉之賜席資燕喜宜體眷懷

葉衡上表再辭免除右丞相不允批荅口宣

卿懿德邁倫通材周變比疇宿望晉陟台司已協僉俞

趣宜祇服

葉衡上表再辭免除右丞相不允仍斷來章批

答口宣

卿才周物表識洞幾先茲晉陟於台司將盡施於賢罔趣宜祇拜毋復多陳

李彥穎上表再辭免除端明殿學士簽書樞密

院事恩命不允仍斷來章批答口宣

卿秉義醕正受材高明茲稽協於僉俞俾晉陪於宥書卽宜祇拜毋復多陳

玉堂類藁卷十三

七

粵雅堂叢書

葉衡轉官加恩賜告口宣

登進成書優崇懿績渙此大庭之命賚于端揆之臣尚體眷懷卽宜祇服

金國賀正且使人到闕賜被褥鈔鑼等口宣

卿等奉將慶儀甯處賓館宜有衾裯之適亦資器用之良竝致分頒式昭眷遇

十二月三十日賜內中酒果口宣

時令將新歲華茲暮諒旅懷之多感宜眷意之加隆維實及醪賜從內府

正月一日入賀畢歸驛賜御筵口宣

卿等祇修慶問甫畢朝儀既具閱於恭勤爰優加於禮  
遇專馳近侍郎啟三筵

正月一日入賀畢歸驛賜酒果口宣

卿等入慶會朝退安次舍爰致芳甘之實仍分嘉旨之  
醪並洽殊私庶資良集

正月三日賜內中酒果口宣

四序更端三朝紀節爰使郵之適宜推賜式之豐嘉  
寶芳醪往宜祇受

玉堂類藁卷十三

八 粵雅堂叢書

皇太子滿散會慶聖節道場乳香口宣

卿位處儲宮時逢誕節申祝壽祺之永具殫誠意之勤  
爰錫名香用資善禱

賜三省官滿散會慶聖節道場乳香口宣

卿等欣逢誕節祇率采條集梵宇之勝緣介宸居之備  
福異香是錫眷意宜承

賜樞密院滿散會慶聖節道場乳香口宣

卿等職重本兵誠深報上因誕辰而協慶卽梵苑以祈  
休爰錫名香用孚至意

賜殿前司滿散會慶聖節道場乳香口宣

卿等童戎禁旅協慶誕辰悉輸頌禱之誠虔介壽昌之福推予嘉錫侑爾精衷

賜馬軍司滿散會慶聖節道場乳香口宣

卿等義存歸美志篤輸忠因誕節之戒辰卽寶坊而獻福香惟達意賜以昭誠

賜步軍司滿散會慶聖節道場乳香口宣

卿等典司驍衛拱護嚴宸欣逢震夙之辰同祝厖鴻之筭宜加頒賚用助精虔

玉堂類藁卷十三

九  
粵雅堂叢書

宣  
金國賀會慶聖節使人到闕賜被褥鈔鑼等口

卿等奉將使命協慶誕辰興懷匱泊之初圖便燕私之適爰推頒賚宜卽欽承

回程賜使副冬至節絹口宣

卿等奉書修慶訖事言還適陽律之方萌諒征途之正凜善縑往賜至意宜承

賜三節人從冬至節絹口宣

汝等竝將使事適履天正風霜多寒道路良苦爰賚資安

煥之用式慰逶遲之勤

赤岸賜御筵口宣

卿等祇成慶禮遄卽歸途宜少駐於近郊俾就陳於祖  
帳用昭眷遇亦慰勤勞

使人到闕在驛賜生餼口宣

卿等偃息驂駢謁甯館舍特戒使璫之遣往頒禮餼之  
豐維厚寵私卽宜欽承

玉津園射弓賜御筵口宣

卿等使華多暇禁苑言遊聞弓矢之斯調諒威儀之有

玉堂類彙卷十三

十  
粵雅堂叢書

則宜加燕勞用表眷懷

賜三省官滿散天申聖節道場乳香口宣

炎籥告中璿樞紀瑞悉率官僚之衆竝祈聖壽之延亮  
乃勤誠往茲嘉錫

賜三省官齋筵酒果口宣

時臨誕聖禮厚賜筵當暑氣之方清諒歡心之正洽嘉  
肴旨酒併以示慈

賜步軍司滿散軍司聖節道場乳香口宣

卿典司禁旅際會誕辰率軍士之歡情祝聖辰之壽祉

爰加頒賚庶助精虔

賜馬軍司滿散天申聖節道場乳香口宣

薰琴御令祥渚標辰慶符天載之期歡動三軍之衆爰頒寶馥俾達誠忱

賜殿前司滿散天申聖節道場乳香口宣

密護周廬欣逢誕節悉率三軍之衆虔祈萬壽之休爰錫名香俾通誠意

明堂大禮禮畢宜勞將士口宣

卿等肅共武服典護嚴宸逮茲祀事之成多爾戎昭之

玉堂類藁卷十三

十一

國雅堂叢書

助竝加眷撫式慰忠勤

右丞相趙雄上表再辭免勅令所修進一州一

路酬賞轉一官加恩命不允批答口宣

卿總率衆職辨章萬微茲疇定令之勤乃下進階之命是惟故典豈必牢辭

參知政事錢良臣上表再辭免勅令所修進一

州一路酬賞轉一官加恩命不允批答口宣

章程明備憲令端平旣通變以可行乃議勞而自近已

頒成命難徇謙懷

趙雄特授宣奉大大依前右丞相魯郡開國公  
加食邑賜告口宣

嚴修賞式丕勸外邦時予鈞軸之臣於此簡編之績茲  
頒茂典宜服明恩

趙雄上表再辭免祕書省進呈會要了畢提舉  
官特轉兩官依例加恩命不允批答口宣

卿賢福被民儒猷經國茲渙絲綸之寵庶酬翰墨之功  
典實有初命維無返

錢良臣上表再辭免祕書省進呈會要了畢禮

玉堂類藁卷十三

七

粵雅堂叢書

儀使特轉兩官加恩命不允口宣

汗簡告成涓辰登進茂對亨嘉之會畢陳禮盛之容既  
藉總提可無褒賞

王淮再上表辭免提舉經修會要特轉一官恩  
命不允斷章批答口宣

登進成書推加茂典一進階而示寵三抗奏以陳辭成  
命卽行多言無益

史浩上表辭免以進會要經修不經進轉官令  
回授恩命不允批答口宣

書成英館賞逮元臣旣從酌損之規猶守勞謙之美是爲已過奚復可從

撫問金國賀會慶聖節使人赴闕盱眙軍賜御筵口宣

卿等遠持慶禮祇會誕辰念甫越於邊疆俾就頒於燕席式昭眷遇庸慰勤勞

赤岸賜酒果口宣

卿等祇飭使車遠將邦禮望都門而伊邇卽郊館以少留爰致恩頒庶資燕會

玉堂類藁卷十三

三  
粵雅堂叢書

賜史浩告口宣

宗祀合宮配成慶事茲推頒於惠澤首商賚於耆臣宜服口章益綏壽福

賜曾覲告口宣

歲事宏筵布釐庶位乃眷耆明之彥宜優慶賚之章茲錫恩綸是均餞福

賜鄭藻告口宣

事畢崇堂恩覃列位茲輯神釐之澤遂優戚畹之賢宜服寵榮益綏壽豈

賜皇太子滿散會慶聖節道場乳香口宣

卿位正儲宮時當誕序益厚君親之愛悉哀仙梵之因  
爰錫名香用孚至意

賜三省官滿散會慶聖節道場乳香口宣

卿等欣逢誕節悉率采僚効嵩嶽以輸誠卽梵宮而營  
福爰頒異馥庶助精虔

賜樞密院官滿散會慶聖節道場乳香口宣

卿等經武地嚴愛君志厚因祥樞之紀序卽佛宇以輸  
誠宜錫名香俾資善禱

玉堂類藁卷十三

古

粵雅堂叢書

賜殿前司滿散會慶聖節道場乳香口宣

卿等宣勞武服典護巖除欣逢載誕之辰虔祝無疆之  
壽爰頒異馥庶達精誠

賜馬軍司滿散會慶聖節道場乳香口宣

□□□□精騎拱護嚴宸逢誕節以輸誠卽寶坊而介  
福爰頒香炷庶助齋衷

賜步軍司滿散會慶聖節道場乳香口宣

卿等總提勁旅嚴衛明庭畢殫愛上之誠咸祝後天之  
福宜推嘉錫俾佑精虔

東坡先生詩集卷十三  
精瑩玉生覆校

玉堂類藁卷十三

五

學雅堂叢書

崔舍人玉堂類藁卷第十三

譚瑩玉生覆校

崔舍人玉堂類藁卷第十四

口宣

全國賀會慶節使人到闕玉津園射弓賜酒果

口宣

卿等適此暇日遊于芳園方觀審固之能爰致旨嘉之  
賜維茲將意庶以侑歡

朝辭訖歸驛賜酒果口宣

卿等進辭殿陛歸鵠賓郵爰分嘉實之多仍致上尊之  
美竝昭恩遇各體眷懷

玉堂類藁卷十四

一 粵雅堂叢書

朝辭訖歸驛賜御筵口宣

卿等趨庭告去偃節少留當曲盡於從容俾就陳於宴  
衍眷懷茲厚禮意宜承

回程赤岸賜酒果口宣

卿等協講歡盟言成慶禮指歸途而將邁卽近館以少  
留頌以甘新昭予眷遇

十月二十二日玉津園射弓賜御筵口宣

卿等射藝絕倫賓容協度特啟初筵之錫俾留終日之  
歡式示眷私用優禮遇

崔舍人玉堂類藁卷第十四

口宣

金國賀會慶節使人到闕玉津園射弓賜酒果

口宣

卿等適此暇日遊于芳園方觀審固之能爰致旨嘉之  
賜維茲將意庶以侑歡

朝辭訖歸驛賜酒果口宣

卿等進辭殿陛歸鴟賓郵爰分嘉實之多仍致上尊之  
美竝昭恩遇各體眷懷

玉堂類藁卷十四

二  
粵雅堂叢書

朝辭訖歸驛賜御筵口宣

卿等趨庭告去偃節少留當曲盡於從容俾就陳於宴  
衍眷懷茲厚禮意宜承

回程赤岸賜酒果口宣

卿等協講歡盟言成慶禮指歸途而將邁卽近館以少  
留頒以甘新昭予眷遇

十月二十二日玉津園射弓賜御筵口宣

卿等射藝絕倫賓容協度特啟初筵之錫俾留終日之  
歡式示眷私用優禮遇

十月二十二日賜內中酒果口宣

卿等遠持慶問祇及都郵錫茲多旨之醪薦以甘芳之實並由內府式表殊恩

賜宰執已下喜雪御筵口宣

時及元冬雪呈上瑞已兆有年之慶尤深同樂之懷爰卽公堂俾陳高會

右丞相史浩上表再辭免玉牒所進書同授轉官依例加恩命不允仍斷來章批荅口宣

書昭先烈恩逮台臣旣酌損以適宜亦勞謙而具至卽

玉堂類藁卷十四

二 粵雅堂叢書

宜祇受毋復多陳

金國賀正旦使人赴闕盱眙軍傳宣撫問賜御筵口宣

卿等協講歡盟遠持慶禮已飛軒而及境將濡轡以遵塗式厚撫存仍頒燕喜

平江府賜御筵口宣

卿等飛華使傳修慶春正知已屆於吳門宜卽頒於燕席用昭眷遇式慰勤勞

鎮江府賜御筵口宣

中書果口宣

卿等夙戒使駢遠將慶幣知絕江而旣濟因授館以少留式厚眷私就頒燕衍

鎮江府賜銀合茶藥口宣

卿等遠馳使傳近次江城念跋履之勤勞宜冲和之輔養特推嘉錫用表殊私

賜接伴使副春幡春勝口宣

春華潛動物態交熙眷言要近之臣適有驅馳之役爰推賜式俾道時休

賜金國賀正且使副春幡春勝口宣

玉堂類藁卷十四

三

粵雅堂叢書

三陽肇始萬寶向榮眷懷使事之勤適閱年華之美竝推繁錫俾對良辰

賜三節人從春幡春勤口宣

寒氣凋謝春陽發生旋觀物意之淳深念征塗之勝竝膺頒賚同洽歡康

趙雄特授右丞相賜告口宣

卿稟方大之資迪忠純之度茲登相位實協民情宜服恩書卽恢賢業

王淮特授樞密使賜告口宣

卿受材高明蹈道中正久秉司於樞筭茲進陟於使權  
宜服明綸迄終顯績

史浩再上表辭免除少傅恩命不允仍斷來章  
批答口宣

朕優崇耆臣肇錫異禮既誕頒於成命已允愜於羣心  
謙避之章止茲毋至

趙雄上表再辭免右丞相不允批答口宣

朕煥發邦號延登相臣台路有暉輿情胥喜宜略謙恭  
之守卽恢宏遠之圖

玉堂類藁卷十四

四

粵雅堂叢書

王淮上表再辭免樞密使不允批答口宣

朕考協民言登庸樞輔已頒顯命方佇嘉猶上陳引避  
之辭殊拂倚成之望

金國賀正且使人赴闕赤岸賜御筵口宣

卿等竝將使命協慶春元知已屆於近郊方少留於口  
館卽頒惠燕用表眷懷

赤岸賜酒果口宣

卿等使傳載馳都門密邇錫以上尊之美副之嘉實之  
多庸慰勤勞少資燕適

士欽特授保康軍節度使賜告口宣

卿謙恭飭己孝友承家已頒渙號之恩遂授齋壇之節  
宜孚眷意卽服寵章

士欽上表再辭免保康軍節度使不允批荅口  
宣

卿蔚爲宗英休有德問茲頒英節具協彝章宜收謙挹  
之辭卽服顯崇之寵

金國使人回程賜龍茶鳳茶并金鍍銀合口宣

卿等竝馳使節祇及都郵爰頒貢茗之英用輔冲襟之

玉堂類藁卷十四

五

粵雅堂叢書

適是爲嘉賚宜體深懷

平江府賜御筵口宣

卿等持禮造成迴轅遘道念當經於吳會俾卽啟於賓  
筵庶洽歡娛式昭眷遇

盱眙軍賜御筵口宣

卿等竝馳使傳已指歸塗念將濟於淮流知少留於賓  
驛卽頒燕衍庶盡從容

赤岸賜酒果口宣

卿等祇協歡盟言成慶禮方出留於近館將前進於遐

塗宜有分頒庶資燕喜

金國使人到闕玉津園射弓賜射弓酒果口宣  
卿等使事少閒苑游胥樂知有循聲之藝諒多中節之  
儀式厚寵頒度資燕喜

十二月二十八日賜生餼口宣

卿等竝揚使節已次都郵念方釋於賢勞宜少安於頤  
養特頒禮餼用表眷懷

十二月三十日賜內中酒果口宣

卿等卽于館寓及此歲除爰將眷予之誠特致芳醕之

玉堂類彙卷十四

六  
國雅堂叢書

品凡茲嘉錫出自內庭

正月一日入賀畢歸驛賜筵口宣

卿等入覲闕廷歸休館舍閱威儀之有道想陟降之良  
勞式示眷懷卽頒燕衍

密賜大銀器口宣

卿等協慶春元肅將聘禮昭以寵光之厚錫茲器用之  
華是出隆私卽宜欽受

正月一日入賀畢歸驛賜酒果口宣

卿等將命修歡造朝成禮方遄歸於賓驛式興念於賢

勞茲有分頒庶資燕喜

賜被褥鈔鑼等口宣

卿等奉將慶禮協講歡盟式圖賓館之安並致燕居之用宜承厚錫咸體隆懷

正月三日賜內中酒果口宣

春華浮動使事遲留錫之和旨之醪侑以芳滋之寶竝由內禁式表殊懷

正月四日玉津園射弓賜射弓弓箭例物口宣

卿等聯馳使騎並集禁園具施命中之奇式協和容之

玉堂類藁卷十四

七

粵雅堂叢書

度特伸頒賚宜體眷懷

賜賀金國正旦使宇文价副使趙鼎到闕傳宣

撫問并賜銀合茶藥口宣

卿等往將使命還及都門維跋履之良勤宜眷懷之加厚特推頒賚仍致撫存

王淮上表再辭免曾預修纂隆興以後日麻奏

成篇秩特轉行一官依例加恩恩命不允批答

口宣

卿任專宥密謀罄忠嘉茲醕翰墨之勲爰煥絲綸之命

是循彝典宜畧摛章

趙雄上表再辭免曾預監修纂隆興以後日厝  
奏成篇秩轉行一官依例加恩恩命不允批答  
口宣

朕比蒐儒彥俾纂信書深嘉載筆之勞亟下疇庸之賞  
茲維故典豈必牢辭

錢良臣上表再辭免修纂隆興以後日曆奏成  
篇秩特轉行兩官例例加恩恩命不允仍斷來  
章批答口宣

玉堂類藁卷十四

八

粵雅堂叢書

書成三館章徹九重方疇汗簡之勞可後提綱之輔已  
頒渙命難徇謙懷

趙雄再上表辭免日厝奏成篇秩特轉行一官  
不允仍斷來章批答口宣

劉奏上聞信書告備事蓋于於國典賞首暨於輔臣茲  
協彝章豈須過遜

王淮再上表辭免日厝奏成篇秩特轉行一官  
不允仍斷來章批答口宣

卿疊上封章懇辭褒典已具形於申諭猶固執於謙懷

命已惟行詎無可返

撫問賀金國生辰使錢沖之等到闕并賜銀合  
茶藥口宣

卿等奉書修好邊命及門興懷周道之勤加致溫之諭  
仍將賜式併示眷誠

趙雄轉官告口宣

信書告備懋典時行茲攷協於邦常益尊崇於宰路宜  
祇成命乞究宏圖

王淮轉官告口宣

玉堂類藁卷十四

九

粵雅堂叢書

書成東觀動策西樞躋登一秩之行褒表三長之善茲  
頌寵命宜體眷懷

賜皇太子滿散天申聖節道場乳香口宣

位居儲極恩重慈庭欣臨載夙之辰倍祝無疆之筭爰  
頒異馥庶侑精虔

樞密院官滿散天申聖節道場乳香口宣

卿等任隆宥府時慶誕辰能祇率於案僚悉虔祈於壽  
祉特頒名馥庶助精誠

樞密院官齋筵酒果口宣

節紀誕彌誠輸歡頌已肅陳於高會俾茂對於良辰馳  
賜旨芳欸留燕樂

史浩加恩賜告口宣

朕燔柴獻事徹俎均禧肆頒寵數之隆爰及彌詣之舊  
益宜賢業用答眷私

鄭藻加恩賜告口宣

陽陔之祀甫訖上儀威睨之英首均嘉況往頒恩綽宜  
卽欽承

蒲察久安加恩賜告口宣

玉堂類藁卷十四

十  
粵雅堂叢書

上儀丕闡慶澤旁流維予忠蓋之臣厥有褒嘉之典欽  
承明命益展壯圖

姚憲上表再辭免除參知政事不允仍斷來章  
批答口宣

卿敏猷經國碩德端朝進翊化元具符民望斷章催拜  
宜卽欽承

葉衡上表再辭免除端明殿學士簽書樞密院  
事不允仍斷來章批答口宣

卿高明之資正大之學蔽自朕志登于幾廷僉言其孚

毋復有請

賜皇太子府滿散天申聖節道場乳香口宣

卿位正儲宮慶承慈極式協誕彌之旦尤深善頌之情  
爰錫異香用孚至意

賜步軍司滿散天申聖節道場乳香口宣

序當炎籥慶紀慈闈維時武服之良深祝天休之永式  
資善禱爰錫名香

賜樞密院官滿散天申聖節道場乳香口宣

卿謀參宥晝慶協休辰祇憑仙梵之因仰贊壽昌之福

玉堂類彙卷十四

十一

粵雅堂叢書

香維達意賜以助誠

樞密院官赴齋筵賜酒果口宣

慶集親闈祥開誕節爰啟惠慈之燕首均宥密之賢維  
實及醪往其祇受

王友直上表再辭免除奉國軍節度使不允仍

斷來章批答口宣

卿沈毅不回剛方自立久典殿巖之衛肆開闔制之嚴  
成命已孚遜辭其止

葉衡上表再辭免除參知政事不允仍斷來章

批答口宣

卿德望素隆材能兼邵茲擢陪於國論庶具展於壯猷  
成命已孚遜辭毋至

金國使人赴闕盱眙軍賜御筵口宣

卿肅馳輶傳已次封疆永言跋履之勞爰啓惠慈之燕  
用昭眷禮宜體誠懷

鎮江府賜茶藥口宣

卿等建廬脩聘濡轡遵塗爰嘉行邁之勤宜有匪頒之  
禮特推珍賜用表眷懷

玉堂類藁卷十四

三

粵雅堂叢書

鎮江府賜御筵口宣

卿等夙將聘節並駕征塗當春物之繁華念使駢之勞  
勩往頒燕衍式示恩私

赤岸賜御筵口宣

卿夙馳華轡甫次近郊方弭節以少休爰肆筵而式衍  
宜承厚遇用洽隆私

崔舍人玉堂類藁卷第十五

口宣

金國賀會慶聖節使人回程盱眙軍賜御筵口

宣

卿等來修聘禮回次淮津念將越於邊疆俾少休於候館特馳使騎就啟賓筵

遇冬至節賜使副節絹口宣

風威載肅水澤將堅深懷使介之勤重涉川塗之遠爰推厚錫庶表隆私

玉堂類藁卷十五

賜三節人從冬至節絹口宣

汝等使事言旋歸塗尚邈適履隆寒之序口口卒歲之求爰有分頒俾同安吉

鎮江府賜御筵口宣

卿等整駕歸程經塗會府將濟江而于邁俾就館以少留馳諭至懷卽陳高會

使人到闕十月二十七日賜內中酒果口宣

留連使節燕息賓郵爰頒多旨之醪仍侑甘新之實是將厚意竝出內庭

玉津園射弓賜酒果口宣

冬陽和豫禁苑闔深方觀審之之能爰錫甘芳之品庶  
資宴樂宜遂從容

回程赤岸賜御筵口宣

卿等聘儀成禮歸馭首塗方出次於近郊俾就陳於高  
會是昭眷遇庸慰勤勞

玉津園射弓賜弓箭例物口宣

卿等使事少間賓儀載舉知和容之有度諒命中之無  
虛爰致分頒宜留衍樂

玉堂類藁卷十五

二  
尊雅堂叢書

上壽畢歸驛賜御筵口宣

卿等入筵壽班退休賓驛觀修容而可度知率禮以無  
違式厚眷懷卽頒燕衍

十月二十一日賜內中酒果口宣

使介之勤過休外館酒肴之錫分出內庭庶表眷私是  
昭寵異

朝辭訖歸驛賜酒果口宣

卿等已畢邦儀遂辭殿陛方歸休於賓舍當漸理於歸  
裝爰示燕慈用昭眷禮

在驛賜牲餼口宣

卿等竝展使華夙將慶問遄卽賓郵之適就頒禮餼之豐是出眷懷宜資燕喜

賜宰執已下喜雪御筵口宣

氣入祁寒雪呈瑞應驗玉燭之無爽應金穰之有期爰厚惠慈宜同燕樂

全國賀會慶節使人到闕賜被褥鈔籙等口宣

卿等遠馳使傳入謁賓郵旣休跋履之勤宜便寢興之用爰加寵錫庶示恩懷

玉堂類藁卷十五

三 粵雅堂叢書

賜射弓例物口宣

卿等聘儀成禮使事多勞宜從禁苑之遊用洽賓歡之適爰推寵賚式示眷懷

十月二十七日賜內中酒果口宣

使介聯華方休外館甘芳推錫咸出內庭爰諭口懷庶章優遇

密賜大銀器口宣

卿等祇達慶書肅成聘禮出眷懷之優渥錫器用之光華仍諭溫言庶昭殊遇

朝辭訖歸驛賜酒果口宣

卿等聘禮有成使儀云復已展辭於殿陛方歸息於都  
郵爰致甘芳庶資燕樂

回程鎮江府賜御筵口宣

冬律向寒使車遄邁諒經途於會府當弭節於賓郵爰  
示恩懷卽盼燕禮

在驛賜生餼口宣

使華持禮邦好成儀重懷次舍之須特厚餼牽之品宜  
承恩錫尙體誠懷

玉堂類藁卷十五

四

粵雅堂叢書

賜射弓酒果口宣

良弓勁矢維以觀能嘉實芳醪庶其將意宜服惠慈之  
寵益施審固之長

賜步軍司滿散會慶聖節道場乳香口宣

卿職司禁旅時際誕辰卽梵宇以輸誠率歡心而介壽  
爰加頒錫用助精虔

賜馬軍司滿散道場乳香口宣

卿典司驍騎拱衛嚴宸欣達載震之期虔祝無疆之壽  
專馳近侍俾錫名香

金國賀正且使人赴闕鎮江府賜御筵口宣

卿等遠將慶禮祇會元正適取道於江城聊弭旌於賓館專馳近侍卽啟華延

鎮江府賜茶藥口宣

卿等來會元春行經近府頒以靈芽之貴副之珍劑之良用慰勤勞式昭眷遇

回程平江府賜御筵口宣

使節言旋歸途尙邈念當經於近府俾就啟於初筵式示恩光宜流燕樂

玉堂類藁卷十五

五

玉律園射弓賜酒果口宣

卿等使事有間禁園胥樂錫以上尊之旨佑之嘉實之芳庶洽歡虞宜承眷遇

十二月三十日賜內中酒果口宣

卿等使華偃息賓館從容適當歲律之除爰示恩光之異凡茲多品出自內庭

回程賜龍鳳茶并金鍍銀合口宣

建溪方貢內府珍藏爰嘉使傳之華聊備歸裝之用式將眷遇尙體誠懷

朝辭訖歸驛賜御筵口宣

卿等竝飭使儀肅成邦禮既入辭於殿陛方出覲於賓  
郵就啟華筵式昭眷遇

回程赤岸賜酒果口宣

卿等馳輶成禮濡轡遵途知漸遠於都門聊少留於郊  
館式加頒賚用示眷私

盱眙軍賜御筵口宣

卿等言旋使傳已屆邊疆重懷跋履之勞爰示惠慈之  
眷宜留衍樂庶遂從容

玉堂類藁卷十五

六

勇雅堂叢書

上壽畢歸驛賜酒果口宣

卿等肅將使命祇命春朝既進畢於壽儀方退休於賓  
驛爰推賜品用表眷懷

回程赤岸賜御筵口宣

卿等聘禮有成使輶云復方明裝於近館爰示惠於初  
筵尙體恩和宜留衍樂

賜金國使副春幡勝等口宣

氣轉洪均祥開蒼陸深念歲華之變適當使節之留爰  
舉時儀俾綏壽福

賜送伴使副春幡勝等口宣

三陽布澤萬彙同春興言文武之臣適有驅馳之役並推賜式庸示恩懷

賜金國三節人從春幡勝口宣

冬律載更春華方動爰均頒於節物庶昭示於恩光宜體眷存各忘勞役

趙雄辭免轉官不允批答口宣

卿總率諸儒刪裁大典閱簡編之告備仰謨烈之增光已錫茂恩豈容固遜

玉堂類藁卷十五

七  
粵雅堂叢書

錢良臣辭免轉官不允斷來章批答口宣

書成良史禮講上儀重嘉使領之勞爰厚恩榮之典宜收冲節卽服優章

周必大辭免轉官不允斷章批答口宣

書成史策賞逮儒勞已孚成命之行尙闕冲章之至宜祇眷遇卽服恩光

樞密使王淮辭免轉官不允批答口宣

史書來上賞典時行肆醜論譏之勞爰厚褒榮之禮卽宜祇服毋重謙陳

賜王淮再上表辭免轉官不允斷章批答口宣  
賞典既行民言維允方趣頒於明制奚確避於口口宣  
服寵光尙圖報禮

賜王淮告口宣

啓封全國進位崇階雖優答於勤勞實顯加於體貌當  
祇隆遇卽服榮章

撫問賀金國正且使副葉宏等到闕并傳宣賜

銀合茶藥口宣

卿等將聘出疆振衣還闕深念馳驅之遠爰加撫勞之

玉堂類藁卷十五

八  
馬雅堂叢書

温仍有恩頒併昭眷遇

撫問新知建康府范成大到闕并賜銀合茶藥

口宣

卿廟堂宿望藩輔殊庸當趨行闕之朝遂卽留都之鎮  
專馳近侍俾諭深懷

賜進士聞喜宴口宣

傳臚殿陞合射宸庭既具洽於龍光宜胥同於燕樂尙  
承恩遇各勉忠圖

史浩辭免轉官不允批答口宣

篇徹經筵恩施儒彥方隆耆德之遇宜厚寵章之加固  
出至懷筭勞重請

賜史浩除少師告口宣

卿歷殫誠請願卽里居既勉徇于高情宜優加於茂典  
祇承恩命益介壽祺

史浩免辭特授少師不允批答口宣

朕優崇元老寵賁歸途旣聳暢於高風益允符於輿論  
尙堅素守殊拂深懷

史浩斷來章批答口宣

玉堂類藁卷十五

九 粵雅堂叢書

卿潛藩舊德合路耆臣旣莫遂於眷留爰有加於恩遇  
已孚明命宜略謙章賜

賜趙雄告口宣

卿屢貢需章確辭丕務已勉從於雅志仍優畀於便蕃  
宜服茂恩更昭顯績

賜王淮告口宣

朕參稽公論登用眞儒已誕告於廷紳方聳觀於賢業  
宜承休命益邁遠猶

金國賀會慶節使人回程盱眙軍賜御筵口宣

卿等竝持使節胥會誕辰方回次於邊疆爰卽敘於宴  
府宜承眷遇各慰賢勞

平江府賜御筵口宣

卿等抗旛成禮回轡遵塗念多跋履之勤宜厚惠慈之  
寵專馳近侍深諭至懷

鎮江府賜御筵口宣

卿等修禮告成受書過邁適弭旛於近府行整棹於長  
江爰錫初筵是昭優遇

赤岸賜御筵口宣

卿等竝驅周道甫出脩門念行涉於長途宜優加於榮  
遇卽頒宴席宜體眷懷

赤岸賜酒果口宣

卿等濡轡登途弭旛就館方少休於徒御爰并錫於旨  
芳庶洽燕私各忘疲勤

朝辭訖歸驛賜御筵口宣

卿等使事已成禮儀無爽旣展辭於殿陛方歸聽於都  
郵爰厚惠慈俾同燕樂

朝辭訖歸驛賜酒果口宣

卿等受書以退竣事而旋詠多陟降之勞爰厚旨嘉之  
品宜祇寵錫各體眷懷

玉律園射弓賜弓箭例物口宣

卿等使事有間射儀克講爰厚旌能之寵仍加適用之  
良宜體眷私尙留欸樂

賜被褥鈔鑼口宣

卿等奉將使信修講虞儀適休跋履之勞宜優寢興之  
用諒承賜品當識眷懷

密賜大銀器口宣

玉堂類藁卷十五

七

粵雅堂叢書

卿等使輓聿修邦盟胥洽爰輟中金之器俾將密賚之  
誠實出深懷固爲優遇

回程賜龍鳳茶口宣

卿等使事勤勞歸途修遠爰有建溪之品實推御府之  
奇特俾分頒卽宜祇受

賜三節人從冬至節絹口宣

一陽潛復萬彙交通興言行役之長當動歲華之感特  
均頒賚並慰勤勞

賜使副冬至節絹口宣

節紀陽正氣回地管適履風霜之變詭懷衣褐之求爰  
選善繡俾將至意

賜步軍司滿散會慶節道場乳香口宣

卿等職專師旅義重君親適當載夙之辰共祝無疆之  
福特加錫予用助精虔

撫問金國賀正且使人赴闕盱眙軍賜御筵口

宣

卿等竝馳使傳已越封疆爰敷溫厚之辭仍錫惠慈之  
燕宜祇眷意各釋賢勞

玉堂類彙卷十五

三

粵雅堂叢書

平江府賜御筵口宣

卿等來慶新正行經近府爰念使華之遠重懷征役之  
長式厚眷慈俾紓勤勩

鎮江府賜銀合茶藥口宣

卿等持禮正朝經途會府爰錫靈芽之貴仍頒上劑之  
良用輔至和庶昭殊遇

鎮江府賜御筵口宣

卿等已濟江流稍休賓館爰專馳於近侍俾就啓於初  
筵庶表眷懷用紓行役

赤岸賜御筵口宣

卿等載驅使傳密近行都宜少駐於賓郵俾卽頒於燕席各承眷禮咸釋賢勞

赤岸賜酒果口宣

屬聞使節行次茲圻卽候館以少留瞻行都而甫邇宜加恩資式表眷懷

入賀畢歸驛賜御筵口宣

卿等入趨文陛修慶華正方歸魏於都郵俾卽頒於燕具庸昭眷遇式慰勤勞

玉堂類藁卷十五

三

粵雅堂叢書

玉津園射弓賜例物口宣

使華暇日禁苑勝遊方觀中的之長宜有旌能之具特加頒資式示寵嘉

玉津園射弓賜酒果口宣

卿等竝驅瀟轡同樂芳園屬施弓矢之能爰往豆觴之品宜祇眷遇庶洽歡虞

玉津園賜御筵口宣

張弓挾矢旣展令儀鼓瑟吹笙宜陳高會庶留燕樂各遂從容

賜居廣批答口宣

褒崇宗老敷錫恩章已具協於公言奚尙堅於謙守茲  
加申諭宜卽祇承

賜士輅再上表辭免不允仍斷來章批答口宣

敦叙宗盟優崇族老爰餽釐而布惠乃尊號以揚廷眾  
聽已孚謙辭何益

賜居廣再上表辭免不允仍斷來章批答口宣

席慶皇家葦華天路茲衍博臨之況乃優褒叙之恩命  
已維行理無可避

玉堂類彙卷十五

尚  
粵雅堂叢書

撫問金國賀正且使人赴闕盱眙軍賜御筵口  
宣

遠將邦禮南越邊疆諒備罄於勤勞爰優加於慰撫仍  
開惠燕併示眷懷

鎮江府賜御筵口宣

揚舫江道弭節賓郵良多跋涉之勞式厚惠慈之禮聊  
紓行役庶表恩私

土輅特授少師加食邑賜告口宣

朕齋精飭躬廣大建祀旣沛熙成之澤宜優惇叙之恩

茂錫寵光益昭眷禮

居廣特授少傅加食邑賜告口宣

朕肇稱新禮宗祀明堂有衍欽柴之休無踰常棣之愛  
茲頒顯命是出殊私

士輅上表再辭免除少師恩命不允批答口宣  
修祠世室徹昨堂筵爰加厚於親盟乃優推於邦典茲  
惟至意奚可固辭

明堂大禮畢紫宸殿受賀內侍宣答管軍詞

祇率彝章肇修嘉饗資爾中權之彥馨茲周衛之勞神

玉堂類藁卷十五

五

粵雅堂叢書

心顧懷福貺昭答

紫宸殿受賀閣門官宣答樞密詞

稽古彌文觀時亨會咸來四海之助迄就九筵之儀實

賴文修敢居能

紫宸殿受賀樞密宣答皇太子詞

祇荷洪休肅嚴大報既告虔於清廟遂展祀於合宮四

方具來諸福畢至

麗正門肆赦閣門官宣答皇太子詞

躬祠世室還御端門沛恩宥於中天廣福祥於下國

玉堂類彙卷十五

六

粵雅堂叢書

崔舍人玉堂類彙卷第十五

譚堂玉生覆校

五堂類稿卷第十五

譚堂先生覆校

